

*MASTER
NEGATIVE
NO. 93-81213-7*

MICROFILMED 1993

COLUMBIA UNIVERSITY LIBRARIES/NEW YORK

as part of the
"Foundations of Western Civilization Preservation Project"

Funded by the
NATIONAL ENDOWMENT FOR THE HUMANITIES

Reproductions may not be made without permission from
Columbia University Library

COPYRIGHT STATEMENT

The copyright law of the United States - Title 17, United States Code - concerns the making of photocopies or other reproductions of copyrighted material.

Under certain conditions specified in the law, libraries and archives are authorized to furnish a photocopy or other reproduction. One of these specified conditions is that the photocopy or other reproduction is not to be "used for any purpose other than private study, scholarship, or research." If a user makes a request for, or later uses, a photocopy or reproduction for purposes in excess of "fair use," that user may be liable for copyright infringement.

This institution reserves the right to refuse to accept a copy order if, in its judgement, fulfillment of the order would involve violation of the copyright law.

AUTHOR:

TITLE:

DISSERTATIO DE ARTE
POESIS GRAECORUM...

PLACE:

LIPSIAE

DATE:

[1849]

Master Negative #

93-81213-7

COLUMBIA UNIVERSITY LIBRARIES
PRESERVATION DEPARTMENT

BIBLIOGRAPHIC MICROFORM TARGET

Original Material as Filmed - Existing Bibliographic Record

887 Z3	Dissertatio de arte poesis Grae- corum bucolicae. Lipsiae 1849. Sq. Q. 16 p. Rector commilitonibus certamina propositis praemiis indicit. 20810 No. 7 of a volume of pamphlets.
-----------	--

Restrictions on Use:

TECHNICAL MICROFORM DATA

FILM SIZE: 35mm


REDUCTION RATIO: 11X

IMAGE PLACEMENT: IA IIA IB IIB

DATE FILMED: 3-25-53

INITIALS BE


FILMED BY: RESEARCH PUBLICATIONS, INC WOODBRIDGE, CT




AIIM

Association for Information and Image Management


1100 Wayne Avenue, Suite 1100
Silver Spring, Maryland 20910
301/587-8202




Centimeter



Inches



MANUFACTURED TO AIIM STANDARDS
BY APPLIED IMAGE, INC.



✓ **RECTOR**

COMMILITONIBUS

CERTAMINA PROPOSITIS PRAEMIIS

IN ANNUM MDCCCXLIX

INDICIT.

SH

7

*Praemissa est dissertatio de arte poesis Graecorum
bucolicae.*

LIPSIAE

TYPIS GUIL. STARITZII, TYPOGR. ACAD.

Poetam etsi ingenium facit, tamen poesis non fit nisi ars accedat. Ars autem continetur observatione certarum legum: atque ut genera poesis inter se differunt, ita unumquodque genus suas quasdam leges habet, quas si quis non tenet, nec de arte recte iudicare, nec si quid vitiatum est sine errore corrigere potest. Illius generis, quod sive a Theocrito sive ab alio inventum bucolicum vocatur, quae leges sint in universum quidem cognitum est, sed quum quas eius reliquias habemus multis in locis valde corruptae sint, saepenumero dubitari videmus ferendumne quid sit an reiiciendum. Quare operae pretium est quaerere quo modo nos ex illa fluctuatione expedire possimus.

Planum est Theocritum eiusque sectatores qualia Siculi pastores rudi sermonis et versuum genere modulari solebant, versu heroico inclusa limatiusque expolita imitatos esse. Itaque primo communis huic poesis generi est versus heroicus tali temperamento factus, ut credibile sit aliquam eum similitudinem cum illis numeris referre, quibus pastores in Sicilia uti consueverant: de qua re probabiliter dixit Herm. Fritzsche in dissertatione quam scripsit de poetis Graecorum bucolicis p. 20. Metrici quidem veteres satis habuerunt caesuram quam bucolicam vocant adnotare, qua verbum cum quarto dactylo finiretur: eaque sane in his carminibus tam crebra est ut legitima sit censenda. Verum quum etiam spondeum eo loco multi versus habeant, tamen caverunt poetae bucolici in illis quidem carminibus, in quibus vel inter pastores rem agi finxerunt vel ipsi imitari voluerunt cantum pastorum, ne quartum pedem spondeus finiret, de quo disputavit Thomas Wordsworthius in praefatione Theocriti, recte ille addens non improbari spondeum, cuius ultima syllaba esset vox monosyllaba quae ad sequentia verba pertineret, improbari autem si esset coniuncta cum praecedentibus; quare in Theocriti I. 6.

ἂ χίμαρος, χιμάρω δὲ καλὸν κῆρς, ἔστε κ' ἀμείλιχς

scribendum esse *κρίας*. Nimirum quum tenue sit hoc genus poesis et a gravitate rei seriae alienum, leves et alacres numeros poscit, nec quasi pondere quodam in medio cursu tardatos. Itaque versus bucolicus quum necessariis heroici metri caesuris carere nequeat, fere ex tribus ordinibus constat:

καὶ τῶν κρανιάδων | κατεναντίον, | ἔπειρ ὁ θῶκος
τῆνος ὁ ποιμενικός | καὶ ταὶ δρυές· | αἱ δὲ κ' αἰτίης
ὥς ποκα τὸν Λιβύαδε | ποτὶ Χρόμιν | ἔσας ἐρίσδων.

Ubi autem non habet caesuram bucolicam, communibus regitur heroici versus legibus. Itaque etiam in duos spondeos exeuntem saepe fecerunt bucolici eadem lege qua ceteri poetae, ne uterque spondeus vocem dissyllabam contineret, ut olim Iliad. II. 844. *Πείρως ἦρως* legebatur, quod non displicebat auribus Eustathii. Moschum II. 97. hoc vitio Meinekius codicum ope liberavit, non ille tamen animadvertens aliud esse quod recte scriptum est in Theocriti I. 65.

Θύρσις ὅδ' ὥξ Αἶνας καὶ Θύρσιδος ἄδ' ἅ φωνά,
quos numeros quum inusitados Theocrito vocabat, non meminerat XI. 58.
ἐν χιμῶνι, XV. 145. ἅ θήλεια, XV. 173. *ἐκ Περσηῶς*: nam ἅ φωνά
instar est vocis trisyllabae.

Maxima pars artis posita est in ipsorum inter se versuum ratione. Ea duplex est, prouti vel duo inter se canentes aut loquentes introducuntur, vel unius tantum cantus sermone exponitur. De utroque genere separatim dicam.

IV Illud aequalis partium distributionis studium, quod regnare videmus in omnibus Graecae poesis monumentis quibus aliquid aut vere ante oculos audientium vel legentium agitur aut fingitur ita agi, cernitur etiam in poesi bucolica. Eius generis in Theocriteis tria in primis insignia habemus exempla, idyllion vicesimum septimum, in quo Daphnis et virgo singulis inter se versibus per totam confabulationem alternant; deinde quartum idyllion et quintum, in quibus certa ratione variant vices personarum. Sed in quarto duobus locis, altero socordia interpretum, altero veteris scribae negligentia iustam proportionem partium turbavit. Colloquuntur inter se Battus et Corydon primo quattuordecim singulis versibus, quos sequitur quasi proodi loco distichon Batti, quia hinc invertitur ordo respondendi, ut prior sit Corydon, Battus autem secundus, quatuor tristichis alternantes, quae a v. 30. longiore excipiuntur sermone Corydonis, post quem a v. 46. perperam distinctae sunt vices persona-

rum: nam versus 44—53. omnes sunt Batti, respondentes illis, quibus Corydon a v. 30. erat locutus. At hi Corydonis sunt novem, decem autem Batti, ut manifestum sit omissum esse in Corydonis sermone unum versum. Is ubi exciderit non potest dubium esse: non enim recte procedit oratio in his v. 31.

κῆν μὲν τὰ Γλαύκας ἀγκρούομαι, εὖ δὲ τὰ Πύργω·
αἰνέω τὰν τε Κρότωνα· καλὰ πόλις ἃ τε Ζάκυνθος
καὶ τὸ ποταῶν τὸ Λακίνιον.

Apertum est non cohaerere haec, sed post primum horum versuum nominatam fuisse aliam urbem addita *τε* particula, ad quam illa quae post *Κρότωνα* est referretur. Finem colloquii faciunt Corydon et Battus duobus singulis versibus et tribus distichis, quorum ultimum illi videri potest oppositum esse, quod proodi loco numerandum dicebam.

V Accuratissime elaboratum est quintum idyllion, in quo similis invenitur respondendi conversio. Est enim ita distributum, ut Comatas et Laco primum duo disticha, deinde sex tristicha habeant, post quae Comatas primam partem colloquii disticho terminet. Tum enim iam non Laco Comatae sed Comatas Laconi, respondet, quae est altera pars, duo tristicha, duo tetrasticha, tria disticha, tria pentasticha continens, quia manente per totum colloquium alternatione ibi imparem esse numerum stropharum (sic enim vocabimus) necesse est, ubi earum comparationes mutantur, ut post tertium distichon Comatas, post tertium pentastichon Laco prior sit, eoque ordine illis deinceps ceterae strophae omnes sunt tributae. Finem idyllii absoluto horum colloquio faciunt Morso iudex advocatus tribus et Comatas decem versibus. Ceterum vix opus est ut addam, non laesam existimari paritatem dictorum, si, quod perraro fit, alter pauca verba interloquitur, ut v. 60. *τὸ κάλει νιν*, et X. 15. ἃ Πολυβῶτα.

IX Eadem quae in colloquentium dictis observata est partium comparatio invenitur etiam in integris quae vel duo vel unus canit carminibus. In nono idyllio duo sunt carmina septem versuum, quibus inter se certant Daphnis et Menalcas. De his nulla est dubitatio: sed totum idyllion ita comparatum est, ut, si illa duo carmina a Theocrito facta sunt, cetera tamen aliunde adiecta videantur. Nam is qui in principio Daphnin et Menalcam ut praesentes alloquitur certareque iubet, mox, finito cantu Daphnidis, prius quam canere coepit Menalcas, tamquam de re praeterita loquitur; quum autem etiam Menalcas carmen suum absolvit, non ad hos se convertit ut eos collaudet, sed narrat quae utrique praemia

donaverit, quodque illis dein ipse carmen cecinerit. Sed haec quidem nunc missa facio: illud non est praetereundum, quod etiam huius hominis carmen septem versus habet. At vero horum versuum primus,

μηκέτ' ἐπὶ γλώσσας ἄκρας ὀλοφνύδονα φύσῃς,
ab re alienissimus est, expellendumque eum esse eo quoque confirmatur, quod expulso non minui numerum septenarium vix dubia unius versus iactura ostendit. Nam et inepta sunt et corrupta haec v. 33.

οὔτε γὰρ ὕπνος,
οὔτ' ἔαρ ἐξαπίνης γλυκερώτερον, οὔτε μελίσσαις
ἀνθεα.

Praepropere D. Heinsius exsultabat coniectura quam p. 349. protulit, οὔτ' ἔαρ ἐργατίνας γλυκερώτερον, non reputans agrum quidem suum culturo ver exoptatum venire, at non item illis quos operis in agro faciundi labor exspectaret. Feliciter tamen inventum est ἐργατίνας, si cum Valckenaerio ab Eldikio acceptum ἔδαρ substituitur, οὔτ' ἔδαρ ἐργατίνας γλυκερώτερον. Qua in scriptura etsi nihil est quod ferri nequeat, tamen et consuetudo horum poetarum suadet ut singulis singula potius quam duo coniuncta uni dulcia esse dicantur, et commendari id videtur Latini poetae imitatione, apud quem in ecloga V. 45. est,

tale tuum carmen nobis, divine poeta,
quale sopor fessis in gramine, quale per aestum
dulcis aquae saliente sitim restinguere rivo.

Hinc recte suspicatum esse arbitror Wordsworthium post illa verba οὔτε γὰρ ὕπνος versum excidisse. Ille vero versus quem expellendum dixi, locum suum habuit in decimo idyllio, in quo quum v. 21. Milo tribus versibus Batto respondeat, etiam Battum tres versus dixisse, qui in libris duo sunt, intelligitur. Ei si redditur una duabusve litteris mutatis iste versus, non solum dicta utriusque messoris aequantur, sed etiam sententia existit aptissima:

μωμᾶσθαι μ' ἄρχῃ τὴν τυφλὸς δ' οὐκ αὐτὸς ὁ πλοῦτος,
ἀλλὰ καὶ ὠφρόντιστος ἔρως. μηδὲν μέγα μυθεῖν,
μή ποτ' ἐπὶ γλώσσας ἄκρας ὀλοφνύδονα φύσῃς.

Quae de illo proverbio corrupta in scholiis ad IX. 30. et apud Photium leguntur, nihil ad rem faciunt: meliora praebet scholiastes ad XII. 23.

Hoc ipso in decimo idyllio duo sunt carmina quattuordecim versuum, eaque aperte distichis scripta. Nam quum Battus septem distichis de amore suo questus esset, deridens eum Milo totidem sententias

Lytiersae distichis comprehensas, quas illum decantare consultius sit, recitat.

Eodem modo duo carmina octo versuum, quae et ipsa distichis scripta sunt, in octavo idyllio post elegos leguntur: nam removendum esse versum 77. qui ex IX. 7. intrusus erat, dudum intellexerunt viri docti.

Aliud autem exemplum duorum longitudine parium carminum latuit criticos in sexto idyllio. In eo duo bubulci alter Polyphemum de Galatea admonet, alter vero Polyphemi partes agens respondet, sed prior ille quattuordecim, alter autem viginti versus canit, quibus aliquot libri inepte addunt versum 17. decimi idyllii, quem M. Hauptius in Museo Rhenano a. 1845. II. p. 271. coniciebat pro alio quem posuisset Theocritus esse adiectum: sic enim hanc rationem effici, ut his septem Daphmidis versus ter septem versibus Damoetae superentur. Non assentior, praesertim quum non certent inter se hi bubulci de victoria, sed ut pariter digni ambo se invicem probent et laudent. Immo non integra esse quae Daphnis canit assensuros mihi spero, qui consideraverint haec, quae v. 15. de Galatea dicuntur:

ἃ δὲ καὶ αὐτότε τοι διαθρύπτεται, ὡς ἀπ' ἀκάνθας
ταὶ καπυραὶ χαῖται, τὸ καλὸν θέρος ἀνίκα φρύγει,
καὶ φεύγει φιλέοντα καὶ οὐ φιλέοντα διώκει.

Mutasse pro suo consilio videtur Theocritus quae in Odysseae V. 328. de rate Ulixis mari iactata scripta sunt:

ὡς δ' ὅτ' ὀπωρινὸς βορέης φορέῃσιν ἀκάνθας
ἅμ πεδίον, πυκιναὶ δὲ πρὸς ἀλλήλησιν ἔχονται,
ὡς τὴν ἅμ πέλαγος ἄνιμοι φέρον ἐνθα καὶ ἐνθα.

At ista apud Theocritum comparatio neque cum praecedentibus verbis neque cum sequentibus coniungi potest. Ex quo colligi potest, post v. 16. deesse illos sex versus, quibus ad implendum numerum opus est, processisseque orationem hoc fere modo:

ὡς δ' ἀπ' ἀκάνθας
ταὶ καπυραὶ χαῖται, τὸ καλὸν θέρος ἀνίκα φρύγει,

sic Galatea huc illuc fertur, et modo apparet, modo se abscondit; modo ex undis emergit, modo se in profundum recipit, omninoque te petulanter ludit,

καὶ φεύγει φιλέοντα καὶ οὐ φιλέοντα διώκει.

Ut hic non dubia videtur sex versuum iactura, ita suspicari quis poterit totidem versus perisse in septimo idyllio, in quo quae sunt duo car-

VIII

VI

VII

mina, eorum alterum duodequadragesima versus, alterum triginta duo habet. Verum illius idyllii compositio liberior est, neque inter eos quorum sunt illa carmina canendi est, sed gratificandi aemulatio: uterque enim alteri ut placitum recitat carmen quod nuper condiderit: quare ne potest quidem de comparanda longitudine cogitari, etsi illa carmina quum argumento tum eo inter se similia sunt, quod in utriusque fine non expectata alius hominis quam de quo sermo fuerat commemoratio est adiecta, eaque talis, ut demptis de priore septem, de posteriore tribus ultimis versibus utrumque carmen aptissime conclusum videatur.

II Transeo ad ea carmina, in quibus nulla est canentium alternatio aut vicissitudo. Ac naturalis quidam instinctus docuit homines in cantu leniter fluente quum sensus animi tum carminis modos ita temperare, ut apta proportionem in partes fere aequales dividantur: quam rationem apertum est convenientissimam esse generi bucolico. Sed haec poesis quoniam sermonem hominum non severa quadam disciplina multaque exercitatione formatorum imitatur nec videri vult anxie elaborata esse, observat illa quidem aliquam partium aequabilem comparisonem, sed utitur ea liberius, ut magis arbitrio suo duci quam parere praescriptae necessitati videatur. Id praecipue ex illis carminibus elucet, quarum partes versu quem intercalarem vocant sunt distinctae: cuiusmodi duo Theocriti, unum Bionis, unum etiam Moschi habemus, ita ut haec carmina normae instar sint, ad quam de ceteris iudicari possit. Est autem maxime simplex illud Theocriti idyllion quod *παρμακύντριά* est inscriptum. Id a v. 17. octies quaternos, a v. 58. autem duodecies quinos versus habet versu intercalari discretos. Etenim postquam mulier in priore carminis parte de artibus magicis dixit quibus revocatura sit infidelem amatorem, in altera fervescens eoque strophis utens longioribus narrat quo modo in amorem Delphidis inciderit quantaque ille eam levitate deseruerit: postremo in tertia decima strophae ereptae sibi virginitalis mentione facta, quum quintum versum excipere intercalaris deberet, magis etiam animo commota, eius loco aliis verbis subito abrumpit carmen. Prodire ex hoc exemplo in universum haec regula videtur, ut aliquot pares strophae sibi succedant: quam regulam patet multis modis variari posse.

I Atque in altero apud Theocritum exemplo quod est in primo idyllio qua arte compositum sit carmen Thyrsidis, ex ipso argumento, a quo semper in tali quaestione proficiscendum est, accuratissime demonstravit Hauptius in Museo Rhenano a. 1845. II. p. 260. qui quum et versus 120.

121. quo loco ponendi essent ostendisset et alia acute emendasset, his tamen ambigebat quid faceret quae v. 105. leguntur.

οὐ λέγεται τὰν Κύπριν ὁ βωκόλος, ἔρπε ποτ' Ἴδαν,
ἔρπε ποτ' Ἀγχίσαν· τὴν δὲ δρύνες, ὥδε κύπειρος.
ῥαῖος γῶδωνις, ἐπεὶ καὶ μᾶλα νομίζει,
καὶ πτώκας βάλλει καὶ θηρία πάντα διώκει.
αἴ τις ὅπως στασὶ Διομήδεος ἄσπον τοῖσα,
καὶ λέγε, τὸν βῶταν νικῶ Δάφνιν, ἀλλὰ μαχεῖ μοι.

Quum enim duo versus redundare viderentur, quos illa quam constituit stropharum descriptio non caperet, ingeniose sane duplicem viam monstravit, qua duo versus eximi possent. Mihi quidem deesse potius veteris scribae errore duo versus videntur, ut aliis quoque locis in hac bucolicorum collectione peccatum est. Nam quum hi poetae fere ubique paria paribus componere atque comparare soleant, requirimus ut, si Daphnis duobus distichis Veneri amorem Anchisae et Adonidis, qui mortales fuerant, exprobrat, totidem versibus ei etiam quas diis libidinis et ignaviae poenas dederit in mentem revocet. Quare, nisi fallor, ut ex Iliade vulnus a Diomede acceptum memorat, ita ante haec verba ad Odysseam respiciens dixerat, recordare retis, in quo te Marti concubantem Vulcanus risui deorum exposuit. Tantum abest autem ut addito disticho turbetur ratio stropharum, ut etiam aptior evadere videatur. Eiectis enim cum Hauptio versibus intercalariis 79. 108. positoque 89. post 91. delendum puto ego etiam versum 73. illos autem, 64. 65. inverso ordine ponendos, ut Thyrsis, ante quam carmen suum caneret, hoc fuerit praefatus:

Θύρσις ὅδ' ὥς Αἴτνας καὶ Θύρσιδος ἄδ' ἁ φωνά.

Ita ex tribus partibus compositum carmen, exceptis intercalariis, hos versuum in strophis numeros habebit: 4. 4. 4. 6. 6. 2. | 4. 4. 4. 4. | 4. 4. 5. 5. 4. Poterit, si cui haec ad exemplum scenicorum poetarum exigenda videbuntur, primam harum et postremam stropham proodum et epodum totius carminis, eam autem quae disticho constat, epodum primae partis constituere. Simili ratione condita sunt Bionis carmen de mortuo Adonide et Moschi in obitum Bionis, de quibus in editione horum poetarum dicam.

Difficilius est de illis carminibus aliquid certi pronuntiare quorum strophae, si quae sunt, non sunt versu intercalari distinctae. Nam etsi de quibusdam eorum nulla potest dubitatio esse, qualia sunt quae supra dixi in octavo et in decimo idyllio carmina ex distichis esse composita, tamen

III non minus certa videtur ratio esse eius carminis, quod in tertio idyllio caprarius canit. Id quattuordecim strophis constare, quarum tres primae duos versus, ceterae omnes autem tres haberent, indicavi in censura editionis Meinekianae. Perfecit rem Hauptius, quum p. 273. versum 20. ut ex XXVII. 4. adscriptum delendum esse docuit.

XV In aliis si strophae diversa longitudine certo ordine dispositae inveniuntur, vix videtur dubitari posse quin id non casu, sed consilio factum sit. Eiusmodi illud carmen est, quo in fine quintidecimi idyllii poetria reginam Arsinoen magno apparatu Adonia celebrantem laudat. Id, nisi vehementer fallor, accuratissime ex tribus stropharum partibus compositum est his numeris versuum, 6. 6. 4. 4. 6. 6. si accedit versus quem desiderari haec v. 112. scriptura prodit:

πὰρ μὲν οἱ ὦρια κεῖται ὅσα δρυὸς ἄκρα φέροντι.
Metri vitium non latuit criticos, latuit vero emendandi ratio. Nam quum *πὰρ μὲν* aut *πὰρ μὲν οἱ* sine dubio recte scriptum sit, non sit autem quidquam vitii in proximis verbis, quique sequitur versus hoc habeat initium, *πὰρ δ' ἀπαλοὶ κᾶποι*, planum est errorem ex pari initio duorum versuum esse natum,

*πὰρ μὲν
πὰρ δὲ οἱ ὦρια κεῖται ὅσα δρυὸς ἄκρα φέροντι,
πὰρ δ' ἀπαλοὶ κᾶποι πεφυλαγμένοι ἐν ταλαρίοις
ἀργυροῖς, Συρίω δὲ μύρω χρύσει' ἀλάστροι:*
confirmaturque id eo, quod ut in hac strophā, sic in sequente quoque binae res binis versibus sunt comprehensae. His strophis absolvitur laudatio reginae. Sequitur altera pars, qua poetria valedicit Adonidi quinque versibus; tum tertia novem versuum, qui continent id quod postero die cantaturae sint mulieres Adonin mari traditurae.

XVIII Neque vero non de industria potius quam casu accurata proportionē stropharum carmen nuptiale videtur compositum esse, quod in decimo octavo idyllio Helenae cecinisse dicuntur duodecim virgines Spartanæ. Id si, prouti argumento convenit, in tres partes dispescitur, prima autem et ultima strophā ut proodus et epodus separantur, hos praebebat versuum in strophis numeros: 3. | 4. 3. 3. 4. | 3. 3. 3. 3. | 5. 2. 2. 2. 5. | 5. Nam postquam in proodo questae sunt quod Menelaus iusto citius Helenam a matre abducatur, felicem eum in prima carminis parte praedicant connubio Helenae; in altera parte quattuor strophis Helenae laudes praedicant; in parte tertia sempiternam ei memoriam promittunt fausta precantes; postremo in epodo thalamum ingredienti valedicunt, proximo mane rediturae.

XI Singulā ordine dispositae sunt strophae carminis, quod in undecimo idyllio Cyclops canit, de quo ne quis propterea dubitet, quod corrupta duobus locis scriptura rem incertam reddat, consideret quam facilis sit utriusque loci emendatio. Nam v. 22 — 24 restituendus est iustus ordo versuum,

*φύγεις δ' ὥσπερ οἷς πολὺν λύκον ἀθρήσασα,
φουγῆς δ' αὐτ' οὕτως, ὅκκα γλυκὺς ὕπνος ἔχη με,
οἶχῃ δ' αὐτὶς ἰοῖσ', ὅκκα γλυκὺς ὕπνος ἀνῆ με.*

v. 60. autem res ipsa ostendit velle Cyclopem urinare discere, si sibi contingat navi in altum mare provehi: quare scribendum: *νῦν μὲν ὦ κόριον, νῦν αὖ δύπτειν γε μαθεῖμαι.* Stropharum igitur ordo hic est: 3. 3. 3. 2. | 4. 4. 4. 2. | 6. 4. 6. | 3. 2. 2. 3. 2. | 3. 2. 3.

XXIII Vicesimum tertium idyllion, valde illud quidem a Theocriti ingenio abhorrens, querelas habet amatoris, qui ob saevitiam amati pueri vitam suspensio relinquere decrevit. Earum ratio planissima est: 6. 3. 2. 2. 3. | 3. 4. 4. 3. Nam versus 30. 31. quos Hauptius in Observationibus criticis p. 66. eiici volebat, cur ego non suspectos habeam, dixi in Iahnii Annalibus a. 1841. fasc. 3. p. 260. Debebam autem versum 31. non ut illic feci mutare, (Ameisii typotheta *ἀπωρῇ* pro *ἀπωχοῇ* posuit) sed scribere, *ἀ δὲ χιὼν λευκά' στι· κατάνεται ἀνίκα ταχθῇ.*

Si haec aliquid probabilitatis habent, quod fateor eiusmodi esse ut, si quis veris similia esse concedat, vera autem esse neget, non possit aliquo invicto argumento refutari, maior etiam dubitatio moveri poterit de iis poematis, in quibus nullum quod canatur carmen profertur, sed poeta ipse vel narrat aliquid vel sua cogitata exponit. Verendum est enim ne ipsi nobis somnia fingamus perdamusque operam, si artificiosas stropharum comparationes comminiscamur, de quibus ipsi poetae ne cogitaverint quidem. Viderique potest id eo probabilius esse, quod saepenumero dubitari potest, sic an aliter constituendae sint strophae. Nam poesis, qualis haec bucolicorum est, quae maximam partem ex brevibus dictis est composita, ipsa natura sua talis est ut in partes fere vel pares vel similes dividi possit. Nihilo tamen minus illam strophicam rationem non negligendam arbitror, ut quae apud poetas bucolicos in consuetudinem vertisse videatur. Non enim apud alios poetarum Alexandrinorum tam constanter observatam videmus, sed plerumque illi libero utuntur cursu orationis. Itaque critico certe ad istum morem est attendendum, quia haud parum emendationem eorum quae corrupta sunt adiuvat, ac non numquam etiam ubi nulla vitii suspicio est monet ne nimis securi simus.

- XII Exemplo esse potest idyllion duodecimum. Id Ionica dialecto scriptum in unaquaque trium ex quibus constat partium ultro hanc offert rationem stropharum: 2. 2. 3. 2. 2. | 3. 2. 3. 2. 3. 2. | 3. 2. 2. 4. Quod si prima tertiae partis strophæ uno versu auctior esset, haec quoque pars eadem diligentia qua alterae duae secum congrueret. Atqui neque in Theocriti libris ea strophæ plures versus quam hos habet:

*Νισαῖοι Μεγαρήες, ἀριστεύοντες ἐρετμοῖς,
ὄλβιοι οἰκοῖν τε, τὸν Ἀττικὸν ὡς περὶ ἀλλὰ
ξεῖνον ἐτιμήσασθε Διοκλῆα τὸν φιλόπαιδα,*

nec plures affert scholiastes Aristophanis ad Acharnenses v. 774. Neque ego contendam his non satis esse: et tamen quis non libenter quartum aliquem acciperet? Quis vero affirmet poetam non addidisse quartum versum, quo significaverit ita puerorum amantem fuisse Dioclem, ut, quo pueri cuiusdam vitam servaret, ipse mortem subierit, quod eum fecisse refert scholiastes Theocriti: et videri potest id ille ex ipso hoc poemate hausisse.

- XIII Addo alia exempla. Decimum tertium idyllion, quod ad Niciam scripsit Theocritus de Hercule raptum ab nymphis Hylam quaerente, quinque partes habet, quarum quaeque exactissime elaboratae stropharum descriptionis speciem praebet, si de ultima quae non integra esse videtur ex praecedentibus capi coniectura potest. Est autem emendatione etiam quartae opus. Nam quis credat poetam vel mediocriter peritum v. 61. haec scripsisse?

*ὥς δ' ὅπῳτ' ἡϋγένειος ἀπόπροθι λῖς ἐσακούσας
νεβρῶ φθιγγαμένας τις ἐν ὥρεσιν ὠμοφάγος λῖς
ἐξ εὐνᾶς ἐσπενσεν ἐτοιμοτάταν ἐπὶ δαῖτα,
Ἡρακλῆς τοιοῦτος ἐν ἀτρίπτοισιν ἀκάνθαις
παῖδα ποδῶν δεδόνητο, πολὺν δ' ἐπελάμβανε χῶρον.*

Perversum esse Ἡρακλῆς τοιοῦτος, quod τοιοῦτος Ἡρακλῆς dicendum fuerit, iam in scholis Theocriteis significavi, sed non animadverteram, ut protasis tres versus haberet, sic ei apodosin totidem versibus adiungi debuisse. Id vero etiam stropharum comparatio exigit. Versus istos sic a poeta scriptos esse credo:

*ὥς δ' ὅπῳτ' ἡϋγένειος ἐν ὥρεσιν ὠμοφάγος λῖς
νεβρῶ φθιγγαμένας ὅπ' ἀπόπροθεν ἄς ἐσακούσας
ἐξ εὐνᾶς ἐσπενσεν ἐτοιμοτάταν ἐπὶ δαῖτα,
Ἡρακλῆς, τημοῦτος ἐν ἀτρίπτοισιν ἀκάνθαις
παῖδα ποδῶν δεδόνητο, πολὺν δ' ἐπελάμβανε χῶρον.*

An recte se habeat *ἐπελάμβανε* dubitari potest, nec diiudicem nisi reperto versu qui deest. Sic quattuor priorum carminis partium haec erit stropharum dispositio: 2. 2. 5. 2. 2. 2. 5. 2. 2. | 5. 2. 2. 2. 2. 5. | 5. 5. | 2. 3. 3. 3. 3. 2. | Relinquitur quinta pars, quae nunc ex octo versibus constat. Hi duas pares strophas praeberent, nisi haec v. 68. foede corrupta essent

*ναῦς μὲν ἄρμεν' ἔχοισα μετάρσια τῶν παρεόντων·
ἰστία δ' ἡῖθ' τοι μεσονύκτιον ἐξεκάθειρον.*

Illud non videtur dubium esse, scripsisse poetam *ναῦς γε μὲν ἄρμεν' ἔχοισα*, sed nisi *τῶν παρεόντων* pro absurdo alicuius scribae supplemento habere volumus, ita potius statuendum erit, excidisse lacerato codice aliquot versus, quorum unus his vocibus terminaretur. In altero versu multum operae perditum est. Is sic est emendandus:

*εἰςέτι δ' ἡῖθ' τοι μεσονύκτιον ἐξεκάθειρον
Ἡρακλῆα μένοντες.*

Xenophon hist. Gr. II. 2, 24. *ἐξεκάθειρον δὲ καὶ οἱ ἱππεῖς ἐν τῷ Ὠδεῖω.* Quod si haec quoque carminis pars pari cum ceteris diligentia facta est, ex tribus ea strophis constabat, quarum prima et tertia quattuor versus habebat.

Vicesimum idyllion, quod quidam negant Theocriti esse, commode potest, si ad argumentum respicitur, in quattuor partes distribui, quarum prima has strophas habeat, 5. 5. 3. 3. 2. secunda, cui unum versum ereptum esse ostendam, septem distichis constet, tertia sit huiusmodi, 2. 3. 3. 2. | quarta denique ex duobus distichis facta. Minus enim probem, si illud distichon, quod ut epodum primae partis posui, proximae parti adiungatur. In hac quis ferat haec v. 21.

*καὶ γὰρ ἐμοὶ τὸ πάροιθεν ἐπὶ ἀνθ' ἑνὶ ἀδύ τι κάλλος,
ὥς κισσὸς ποτὶ πρέμνον, ἐμὴν δ' ἐπύκαζεν ὑπὸ ἥναν·
χαῖται δ' οἷα σέλινα περὶ κροτάφοισι κέχυντο·
καὶ λευκὸν τὸ μέτωπον ἐπ' ὀφρύσι λάμπε μελαίναις
ὄμματά μοι γλαυκᾶς χαροπώτερα πολλὸν Ἀθάνας.*

Nimis impudentem esse hanc hominis arrogantiam sentiens Wordsworthius, minuendam putabat *μᾶλλον* scribendo. At *πολλὸν* potius scribae inepto iudicio debetur, male versum integrantis. Praeterea cur iste homo, qui tantopere pulcritudinem suam iactat, id praeterit quod primum ponere debebat, corporis formam et staturam? Certo hi non quinque, sed sex versus fuerant, sic ordinati scriptique:

καὶ γὰρ ἐμοὶ τὸ πάροιθεν ἐπάνθειν ἀδύ τε κάλλος,
 χαῖται δ' οἷα σέλινα περὶ κροτάφοισι κέχυντο,
 ὡς κισσὸς ποτὶ πρέμνον, ἐμὴν δ' ἐπύκαζον ὑπὴναν·
 καὶ λευκὸν τὸ μέτωπον ἐπ' ὀφρύσι λάμπε μελαίναις,
 ὄμματα δὲ γλυκῆς χαροπώτερα λεῦσεν Ἀθάνας·
 τὸ στόμα δ' ἦς πακτᾶς μαλακώτερον, ἐκ στόματος δὲ
 ἔρρεέ μοι φωνὰ γλυκιστέρα ἢ μέλι καρῶ.

Sed ne quis ob stare illi quam indicavi stropharum designationi putet, quod
 versum 33. non cum Meinekio damnavi,

ὡς καλὸς Διόνυσος ἐν ἄγκισι πόρτιν ἐλαύνει,
 moneo tantum abesse ut eiiciendus sit hic versus, ut maxime sit neces-
 sarius. Nullo modo enim in commemoratione deorum, qui vel ipsi ar-
 menta pavissent vel pastoribus delectati essent, praeteriri potuit Apollo,
 recteque vidit Briggsius poetam Διὸς υἱὸς scripsisse; recte etiam Benleius
 scribi iussit ἐλαυνεν. Sed reliquerunt illi aliud vitium: scribendum erat
 enim,

κοῦ ποτ' ἄκουεν

ὡς ὁ καλὸς Διὸς υἱὸς ἐν ἄγκισι πόρτιν ἐλαύνει.
 Inconsiderate enim doceri solet καλὸς prima syllaba ancipite dixisse Do-
 rienses, ut in illo Theocriti, τὰ μὴ καλὰ καλὰ πέφανται. Non producant
 enim primam bucolici nisi in arsi: quare etiam v. 30. non cum Brunckio
 καὶ πᾶσαι με καλὸν κατὰ τῷρα scribendum est, quod semper κατ' ὥρα
 dicitur, sed

καὶ πᾶσαι δὲ καλὸν με κατ' ὥρα φαντὶ γυναικες.

Apud Bionem I. 77. stulti correctoris est, quod in quibusdam libris legi-
 tur, ῥαῖνε δέ μιν καλοῖσιν ἀλείφασιν.

XXVI

Difficilius est certi quid afferre de idyllio vicesimo sexto, quia et
 strophae non uno modo constitui possunt, et finis carminis hymnum in
 Bacchum prodere videtur, ita ut nesciamus an integrum sit carmen.
 Argumentum si spectamus, prima pars has tres strophas habet, 6. 5. 6.
 altera aut epodica est ex his strophis, 2. 2. 2. 3, aut duabus constat, 6. 3.
 tertia ex duabus facta est, 6. 6. Sed eximendum est grave vitium, quo
 depravati sunt versus 27—29.

οὐκ ἀλέγω· μηδ' ἄλλος ἀπεχθέμεναι Διονύσῳ
 φροντίζοι, μηδ' εἰ χαλεπώτερα τῶνδ' ἐμόγησεν,
 εἴη δ' εἰναέτης ἢ καὶ δεκάτῳ ἐπιβαῖνοι.

Nec mirum: servatum est enim hoc carmen in duobus tantum, vel ut

rectius dicam in uno codice Mediolanensi: alter enim, qui est Parisinus
 quartus, ita cum Mediolanensi consentit, ut ex illo exscriptus videatur.
 In primo versu Reiskius οὐκ ἂν ἐγὼ scribendum esse intellexit. In altero
 Brunckius, sentiens graviora quam Pentheo vix cuiquam evenire posse,
 audacissime simul et falsissime legi voluit, μηδ' ὅς κεν ἐλάσσονα τῶνδε
 μογήσῃ: non enim quid passus esset Pentheus, sed quid commisisset spe-
 ctandum erat. Tertii versus quae sententia esset Bergkii animadvertit.
 Illud fugit criticos, φροντίζοι fuisse φροντίζω, quod interpres aliquis ad
 ἀλέγω adscripserat. Cetera lacerae vel evanidae scripturae mala esse sup-
 plementa videntur. Id quod poeta in mente habebat, hoc fere modo
 debebat eloqui:

οὐκ ἂν ἐγώ, οὐκ ἂν ποτ' ἀπεχθοίμην Διονύσῳ,
 μηδέ μοι, εἴ τις καὶ μετριώτερα τῶνδ' ἐμάτησεν,
 εἴη συνναέτης ἢ ὁμᾶς ἀκάτῳ ἐπιβαῖνοι.

Ultimum versum paene eodem modo emendabat Hauptius.

Referendum nunc est de iis Commilitonum nostrorum, qui de prae-
 mio certarunt. Ac S. R. Ordini theologorum nulla reddita est scriptio;
 quattuor autem accepit Ill. iuriconsultorum Ordo, in quibus *de natura*
donationum mortis causa est disputatum: quarum duae etsi non ex
 omni parte satisfecerunt iudicibus, tamen, quoniam et diligentiam bonam-
 que indolem produnt, et utraque sua sibi propria quae laudentur, quae-
 que vituperentur habet, dividere inter scriptores praemium, si assentiantur
 supremi rerum nostrarum gubernatores, decrevit Ordo. Sunt autem illi,
 GUILLIELMUS DOELLING, Plaviensis, studiosus iuris,

RICHARDUS LEOPOLDUS ILZIG, Lipsiensis, studiosus iuris.

Ordo Gratosus medicorum quod proposuerat ut *methodi indagarentur*,
quibus quis circuitum, quem aliqua pars corporis humani haberet,
intervallumque inter eam et aliam partem, maximeque circuitum præ-
toris distantiamque plantae pedis vel tali a pelvi metiri posset, inven-
tique optima methodo determinaretur spatium, in quo errores obser-
vationum inevitabiles essent, id argumentum ab uno tractatum est, qui
 est dignus praemio indicatus. Is est

BENNO GOTTLOR SCHMIDT, Kaditiensis, medicinae baccalaureus.

Ordinis philosophorum primae tantum classi tradita est dissertatio *de vi*
medii aevi ad statum Germaniae tam formandum quam turbandum,
 quae quod non ostenderet eam curam ac diligentiam quae expectata fue-
 rat, non est probata.

In proximum annum haec proposita sunt argumenta:

Ab S. R. Ordine theologorum: *explicetur de momento litis antinomisticae inter Agricolam et Lutherum.*

Ab Ill. Ordine ICtorum: *quatenus animus iniuriandi, qui dicitur, ad iniuriarum naturam et notionem necessarius sit.*

A Gratoso Ordine medicorum: *accurata aegrotorum nonnullorum observatione inquiratur, primum, quinam musculi in hominibus hemiplegia affectis paralyti non laborent, et quam diverso gradu diversae cutis partes in latere paralytico sensu priventur; deinde quid ex his observationibus et e sectionibus hemiplegia mortuorum ab aliis descriptis concludendum sit, doceatur.*

Ab Ordinis philosophorum classe prima: *proverbii apud Graecos quae origo fuerit, quae indoles, quique usus, exponatur.*

A classe altera iterato: *diversae iuris (τοῦ δικαίου) notiones, quas Aristoteles libro V. Ethicorum Nicomacheorum enarrat, explicentur, et quatenam ex his cuinam ex illis respondeat quas recentiores philosophi inde ab Hugone Grotio posuerunt, disquiratur.*

A tertia classe: *dissensus Trevirani et Mohlii de Ad. Brogniartsi cuticula, tegumento plantarum, examinetur atque exploratione per microscopium in plantis aetatis tenerrimae, adhibitis aptis reagentibus, saltem quam proxime eo perveniri studeatur, ut iudicari possit, utrum cuticula illa sit membrana plantam ab ipsa eius origine tegens, an tantummodo excernendis aut coalescentibus cellulis gignatur: ad quem finem praecipue organa radicum plantarum altiorum et plantae humiliores epidermide carentes commendantur, non neglectis novissimis Karstensi observationibus. (Vegetations-Organ der Pflanzen. Berlin 1847. Botanische Zeitung 1848. n. 42.)*

Habetis, carissimi Commilitones, argumenta, quibus pertractandis studia vestra diligentiamque probare, simulque laudem et praemium consequi possitis. Id qui fecerint, eos rogamus ut scripta sua, addita obsignata schedula, nomen scriptoris indicante, dictoque eodem quo scriptum insignita ante Calendas Septembres tradant Decanis. Ac speramus non defore qui his in artibus, quae bonae vereque liberales sunt, industriae suae nobis documenta sint exhibituri.

P. P. pridie Cal. Novembr. a. MDCCCXLVIII.